




a cura di Ezio Baglini

Alessio Schiavi, Siamo andati in Antola, ediz. Croma 2011, pag. 168

A mæ pai, non gh'è zeneize che, armeno 'na votta inta seu vitta, o no segge montòu sciù in Antoa – magâra in 'verticale' da Bavastrelli – e che o no gh'agge 'na seu fôto sotta-a croxe – se no âtro perché a-a giornâ d'ancheu o l'è favorîo, da l'arivo da stradda finn-a a-a Caza do Romano. Ciù afortunæ son quelli che gh'ân memöia d'êse montæ fin lasciù pe vedde o spontâ de l'arba, e gren desteize de narcizi, i orizzonti infinî.

Lêze o libbro veu dî vegnî a conosce i particolari da longa stöia do monte, ricca de anedoti de chi, pe necessitæ, o gh'â dovûo vive ò de chi gh'è montòu pe aventûa; e ancon vedde e fôto, aregordâ i mille eventi che o qualifican “pòsto privilegiu” pe-i zeneizi.



I Fieschi

O Conservatöio Fieschi o l'â regalou a-a nostra biblioteca, sette di seu preçiozi volummi de riçerca stòrica. A nascita de quest'Ente a l'è colegabile co-e iniçiatiive de l'antîga Republica a quæ – comme avegnîva in tutte e societæ eoropee - a l'ea fortemente squilibrà inta distribuçion do benêse e da ricchezza, ma fin da-o Quatroçento a l'aveiva promòsso, inti confronti de classi sociali ciù deboli, istituçioin quæ o Magistrâto da Mizericòrdia e di Incurabili, l'Abèrgo di Pövei, o Monte de Piêtæ e svariaæ Opie pîe, laiche e religioze, ligæ a lasciti de personne-sensibili a-o spirito crestian.

Defæti o Conservatöio Fieschi o l'è nasciùo pe voentæ testamentaria do Domenego Fieschi do 1772, co-a filantropica destinaçion de seu grande disponibilitæ a-e figgie no spozæ, ò fantinn-e (e 'Fieschinn-e') co-o fin de mostrâghe 'n mestê artigianale pe rendile bonn-e a goâgnâse da vive, in forma laica e senza ingerense da parte da Gexa.

Con questo progetto, o Conservatöio o l'â mantegnûo pe

doî secoli e mêzo a seu ativitæ munifica e benefica in spaççi che a-a giornâ d'ancheu diêscimo da museo, e che oua ospitan 'na 'Câza do studente', con stansiète ben atresæ e sale de letûa, fêua do sciâto che in sti tenpi moderni se fa pe çerte vêu istituçioin, valoi e personaggi.



Maria Terrile Vietz, Fregogge de pan pöso, Erga ed. 2012, pag.164

A Maria, comme anche a Liccia Oddino, a l'â za donòu che no l'è goæi doe borsæ de libbri che ân arricchio a nostra acugeita. In sprovedûo o porieiva pensâ, comme tanti scemelen magari pensan, che ofrî in libbro a-a nostra Biblioteca a segge 'na cösa da poco, mentre a veitæ a l'è che solo faxendo cosci l'è poscibile ese aregordæ into tempo. O libbro da Maria o l'arecheugge tutti i racontî in lengoa zeneize che pe çinqu'anni ân inpîo meza pagina do mensile “Gazzettino Sampierdarenese”. Fæti personali, de caza, de vitta e de çitæ, contæ con senplicitæ, gaibo, boin d'arancâ 'n sorizo e de mette otimismo; in moddo pe tiâ sciù o cheu de chi leze, contento de 'na letûa façile e scignorile. Un per un, lezûi quande semmo teixi, n'agiutan a rilasæse e a vedde con euggio diverso e cöse complice de tutti i giorni. Son comme 'na bella muxica: provâ pe credde. Se rivivan e letûe che a Maria ne proponn-e con regolaritæ a-i 'Martedì a Paxo'.

